

Na osnovu člana 72. Zakona o javnim nabavkama Bosne i Hercegovine („Službeni glasnik BiH“, br. 90/14 i 59/22), a nakon provedenog direktnog sporazuma, zaključen je:

U G O V O R

Ugovorne strane:

1. **Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktorica Elvira Habota, (u daljem tekstu: Kupac)**
2. **JACK POINT trgovačka radnja iz Sarajeva, ulica Dr. Fetaha Bećirbegovića broj 45, koju zastupa vlasnik Sabina Nurković-Habibović (u daljem tekstu: Prodavac).**

Član 1.

(1) Predmet ovog Ugovora je sukcesivna isporuka originalnih kapsula za espresso kafu 6,25gr. 100/1 LAVAZZA, koju će Prodavac isporučiti Kupcu prema odredbama ovog Ugovora, te dati na korištenje 4 (četiri) espresso aparata LAVAZZA i pružiti usluge monaže i sanitacije espresso aparata, po ukupnoj cijeni ponude u iznosu od 1.190,00 KM bez PDV-a.

(2) Sastavni dio ovog Ugovora je Ponuda Prodavca od dana 18.01.2024. godine.

Član 2.

(1) Prodavac daje Kupcu na korištenje 4 (četiri) aparata za espresso kafu LAVAZZA koji će se postaviti na adresi Kupca, ulica Đoke Mazalića broj 5, Sarajevo.

(2) Prodavac se obavezuje da će isporuku kapsula za espresso kafu LAVAZZA izvršiti isti dan prema nalogu Kupca.

(3) Prodavac garantuje kvalitet isporučenih kapsula za espresso kafu, šećera, kašičica i plastičnih čaša do trenutka otvaranja pakovanja od strane Kupca.

(4) Kupac ima obavezu da koristi, čisti i održava aparate za kafu kao dobar domaćin i u skladu sa njihovom namjenom i uputstvom za upotrebu.

Član 3.

(1) Prodavac se obavezuje da će isporuku predmetne robe izvršiti u skladu sa zahtjevima Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.

(2) Kupac je obavezan dostaviti pismeno obavještenje o svakom navedenom propustu Prodavca po Ugovoru.

(3) Kupac će utvrditi razuman rok za ispravku propusta Prodavca u smislu izvršene isporuke.

(4) U slučaju eventualnih primjedbi Kupca na kvalitet i količinu isporučene espresso kafe, Kupac može Ugovor djelimično ili potpuno raskinuti i prije njegovog isteka, uz predhodno izmirenje svih obaveza utvrđenih po osnovu istog.

Član 4.

(1) Prodavac se obavezuje da robu fakturiše u ugovorenim rokovima, na osnovu otpremnih dokumenata (otpremnica i sl.) potvrđenih od strane Kupca da je preuzeo robu, te izdao i predao fakture i to na dan preuzimanja robe.

(2) Prodavac se obavezuje na nepromjenjivost ponuđenih cijena tokom cijelog ugovorenog perioda.

(3) Kupac će plaćati fakturu za isporučenu robu propisanim platnim nalogom za plaćanje u roku od 15 dana od dana ispostave faktura.

Član 5.

Prodavcu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda, nadležna za dodjelu ovog Ugovora, najmanje šest mjeseci po zaključenju istog.

Član 6.

Ovaj Ugovor se zaključuje na određeno vrijeme, u trajanju od 3 (tri) mjeseca, od momenta potpisivanja obje ugovorne strane.

Član 7.

Odredbe ovog Ugovora ne mogu se mijenjati nakon njegovog zaključenja.

Član 8.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 9.

Na osnovu prava i obaveze ugovornih strana, koje nisu regulisane ovim Ugovorom, primjenjivaće se odredbe Zakona o obligacionim odnosima.


Član 10.

Ovaj Ugovor je sačinjen u 4 (četiri) istovjetna primjeraka, od čega svaka ugovorna strana zadržava po 2 (dva) primjerka.

PRODAVAC

Direktor

Sabina Nurković-Habibović



Broj:

Datum, 26.01.2024



05-UM-16-4-IB-661
31.01.2024. geci